

說庫

第四十四冊

勝朝彤史拾遺記
隴蜀餘聞
八統譯史



沈



華西十口

勝朝彤史拾遺記卷四

清 蕭山毛奇齡大司著

孝宗朝 張皇后。孝宗后也。興濟人。父繼母金夫人。夢月入懷。生后。后當適人。其所當適者。忽大病。及選為太子妃。則前所當適者病已。孝宗即位。立為后。篤愛宮中。同起居。無所別寵。有如民間伉儷然者。繼自都督同知封壽甯伯。其卒也。加贈昌國公。子鶴齡嗣后。而鶴齡弟延齡亦從都督同知進封建昌伯。並加保傅。其他羣從以后故受中書舍人。及錦衣百戶諸官者。不可勝數。帝又為后立家廟於興濟。土木閎麗。明世外戚之盛。無過張氏者。后知大體。不干預政事。而外家稍盛。多側目。帝陰為之解。山東副使楊茂元以何決論事。言水陰象失職。以后故。后怒甚。必殺茂元。上為后徵。茂元至。簿謫之。而御史胡獻論延齡。鶴齡上下之獄。竟解。戶部主事李夢陽言二齡二齡奏夢陽謫誣母后當斬。金夫人入泣訴上。下夢陽詔獄。他日上簪后夜游南宮。二齡侍酒半。上召鶴齡膝前解之曰。毋使我以外戚殺諫臣。鶴齡免冠謝乃已。帝之所以內應后。而外處羣臣若此。后生武宗及蔚王厚煒。至武宗即位。尊為皇太后。正德五年。加慈聖皇太后。武宗崩。太后委政楊廷和。散豹房。收江彬神周下獄。罷威武。

團練官軍。革旂校而遣各邊鎮守太監之在京者。凡喇嘛哈密諸屬國留侍者皆使還國。一切政務皆整飭儲備以待世宗。世宗入嗣。加稱聖母昭聖慈壽皇太后。已而復進聖帝昭聖康惠慈壽皇太后。上初母太后已用璫議。母本生太后而以后為皇伯母。居仁壽宮。十五年進昭聖恭安康惠慈壽皇太后。二十年八月辛巳崩。諡曰孝康靖肅莊慈哲懿翊天贊聖敬皇后。合葬泰陵主祔廟。后正位中宮。侍孝宗者十八年。歷武宗朝為太后十六年。及世宗嗣位。又二十年。其長年享尊。宮中比之孝誠張太后。獨太后定策迎立世宗。而世宗事之不以禮。初興國太后迎入宮。后尚以藩妃相視。稍抑之。及上入朝。后頗倨。上以此銜后。當大婚時。初傳昭聖旨。而即以壽安易之。及三年二月。興國太后誕期。敕命婦朝賀。燕賚倍常。至后誕。獨免賀。修撰舒芬具疏言。昭聖誕節。乃陛下承懽之會。所當聚天下懽心。以奉事其親者也。今處傳免賀。遠近驚疑。宜別降綸音。以彰至孝。敕奪俸三月。御史朱瀚言。昭聖手携神器親授陛下。母子至恩。天日照見。幸值千秋。義應請賀。縱母后固辭。陛下猶宜敦請。豈可以傳免之旨。出自陛下。命建詔獄。又御史馬明衡言。暫免朝賀。在平時則可。當此議禮紛更之時。忽聞報罷。安得無疑。使此旨出自太后。則必有因事拂鬱。生今昔之感。

此不可不有以慰之。若曰聖意則母后在宮恩同一體。豈可以本生嗣統分等級哉。下北鎮撫拷訊已而御史陳逅李木員外郎林惟聰又言陛下以宮闈之數罷及言官。其於本生正統之義軒輊已極。忠臣義士尚敢陳言。天下事乎。并逮訊之。會后弟延齡為人上變以殺人謀逆坐族誅。原評曰世宗隱仁大不可刑部尚書聶賢覆問此篇是廷齡良史筆意言無左證。即有謀亦未成。世宗怒曰。論謀逆者謀不謀耳。以成否耶。詰責賢等使急促窮治。太后皇恐無所出。會哀冲太子生。太后請入賀。上知太后欲有言。謝不見。太后使人請亦不許。閣臣張孚敬乃上奏曰。延齡過惡有之。顧實未反。且孝宗皇帝獻皇帝兄也。延齡其懿親。陛下宜推獻皇帝友愛之情。以全椒房之義。毋傷伯母心。世宗降手書曰。親不過同姓。同姓為逆。其能免乎。天下者高皇帝天下。孝宗皇帝守高皇帝之法者。卿慮傷皇伯母心。亦慮傷高孝二廟心耶。孚敬復奏曰。臣何敢為延齡游說。但臣受恩重。不敢不對。當陛下嗣統時。昭聖太后欲子陛下。在朝諸臣亦曾多設謬妄惑誤太后。陛下獨用臣言。排破眾議。孝隆所生始尊太后曰伯母。然而朝士歸過陛下。至今未已。茲者延齡被罪。大小臣工嘿無一言。豈以為延齡果可誅。太后不足顧哉。誠幸太后一旦不得所安。以深陛下之過耳。夫謀逆之罪。滅人種類。必欲

成獄當坐族誅。昭聖皇太后獨非張氏人乎。臣又不審陛下可以處此。世宗乃第坐延齡殺人罪。絞。降鶴齡南京錦衣衛指揮。會冬月。慮囚。上欲即誅之。令考問漢薄昭故事。半歲又奏曰。明律皇家袒免以上親。太皇太后皇太后總麻以上親。皇后小工以上親。皇太子妃大功以上親。犯罪當議。公侯誓券有免死文。延齡戚則皇太后親也。爵則侯也。宜緩與否。似應議。上曰。且為卿已。既而有男子班明者。奏鶴齡私通盜莊王。造符咒壓帝星。上逮鶴齡道死。而市人劉東山者。陰賊人也。以他事繫獄。與延齡居。延齡久繫。怨望。時採摭故事寫成帙。題其端曰。君道不明。東山竊取之。他日牢吏弛延齡鉗繫。繼東山。東山不受繼。吏笞焉。東山忿。因挾延齡手書上奏。奏及吏上。復大怒曰。死革無君果矣。召赦東山。加延齡罪斬。而罰諸刑部官前後弛繫者。東山出。益偽張疏草。持唱延齡家。曰。鮮衣怒馬。恣行長安中。百官畏之。大學士夏言曰。誰能治此。御史陳讓曰。讓能。一日東山怨其父。彎弓射之不中。父告讓。讓窮捕東山。東山急。反誣讓諸子與延齡通。並為壓星圖。壓鎮聖母皇。上其圖凡五十。向年班明所言皆實。延齡家人往來仁壽宮。盜內藏。伺上動靜。皆御史讓陰主之。上大怒。逮讓等與延齡俱移繫詔獄。東山因益株引所不快。定國京山諸公侯俱坐繫。太后至衣敝

襦席藁為延齡請。上猶不許。陳讓從獄中上書曰。東山等結構奸黨。瀆毀聖躬。妄連宮禁。陛下有帝堯既睦之德。而東山敢言漢武巫蠱之禍。陛下有帝舜底豫之孝。而東山敢言暴秦遷母之事。若復赦不誅。則將睚眦殺人如郭解。離間骨肉如江充矣。且天下未有忍於弑父而可以預人家國事者。唯陛下詳察。書奏不省。會按詔獄者指揮王佐。謬與東山知。次第誅之。得其情。牘上反坐。乃始械死東山。出讓等。而延齡竟長繫不釋。暨后崩。而延齡誅矣。始密故宦族鄉貢入太學。父為夔州守。有聲。從兄歧為都御史。負侃侃名。獨二齡以外戚故墮其家。聞者悲之。

沈氏選侍名璫。蓮。烏程人。昭慶富民沈秀後也。秀行萬三。洪武初徙家雲南。而其族仍留烏程。父廷禮任於朝。弘治初被選入掖庭。孝宗試選女知書者。命為守宮論。氏援筆立成。其發端曰。甚矣秦之無道也。宮何必守哉。孝宗悅。擢居第一。使給事御前。賜名曰女學士。弟溥舉人官通判。氏有寄弟試春官詩。傳於外。鄭金蓮者。初名王女兒。武城中衛軍卒鄭旺女也。幼鬻之高通政家。因採入內。備選侍。得侍上寢。其後遷周太后宮。侍太后。名鄭金蓮。宮中有訛言皇太子為鄭金蓮生者。時皇太子已冊立。會金蓮父旺陰結內使劉山求自通。山遂與言若女鄭金蓮。即皇太子母也。在周太

后宮。汝何不潛發其事。而受尊享焉。旺聞之大喜。遂稍稍播其語。語聞孝宗。孝宗怒。樂山於市。并論旺死罪。尋赦免。至武宗嗣位。旺悻悻以為及今不即發。則何待矣。乃仍為浮言如初。而市僧王璽覬與旺共厚利。因於正德二年十月二十八日。璽密携旺潛入東安門。宣言國母鄭娘娘幽居太后宮若干年矣。欲面見皇上。有所奏。東廠執以聞。下刑部訊。無實。擬妖言律。兩人不肯伏。大理寺駁讞者再。乃具獄。誣罔議如山例。置極刑。鄭金蓮不罪。

武宗朝

夏皇后大興人

一作上元誤考實錄作大興當是

武宗后也。正德元年冊立。其父儒。初授錦

衣衛指揮。尋陞中軍都督府都督同知。時監察御史杜旻上言。人君處貴戚患在不教。蓋其人多起側微。一旦姻連帝室。非乞田請爵。則侵官罔利。以所與居者。非端謹之士。未嘗聞禮義之訓。故也。都督同知夏儒。以后父得饗殊錫。恐驕侈易成。罪蓋必至。宜慎選儒生。俾為師友。吏部議如旻言。乃選老成端潔堪為師友者一人。授以訓導之職。令為儒講學。未幾封儒慶陽伯。尋卒。后以世宗即位歲。上尊號曰皇嫂莊肅皇后。十四年崩。禮部上喪儀。請上素服冠經帶舉哀。臣民二十日如禮。上曰。嫂叔無服。又兩宮在上。朕服青足矣。臣民則如母后服耳。禮部尚書夏言謂皇上以嫂叔絕

服則羣臣不敢素服見皇上請暫罷朝參許之既而下羣臣議諡故事凡帝后諡並用十二字至是大學士張孚敬持異議曰大行皇后皇上嫂也與累朝元后異諡宜用二字或四字大學士李時曰當用八字而都御史王廷相曰均帝后也何殊之有夏言集上其議因奏古人尚質諡法簡今以漸而增非獨飾嫺抑亦臣子之情矣夫少可多多不可少大行皇后諡其於皇上服制有無名分尊卑固不相涉惟是帝后婉美妻以夫尊今列聖元后皆用一十二字而獨於大行皇后諡文減損跡涉降殺二四與八與禮無據不如仍用十二字為當上曰朕昔在藩臣子也今則無事嫂如母后之義且兩宮在上昭聖皇太后于皇嫂實壓母道不便其再議禮部請如孚敬言用二字上曰其用六字數既半合陰焉於是上諡孝靜莊惠安肅毅皇后十五年上忽曰字不備不稱配武宗加孝靜莊惠安肅溫誠順天愷聖毅皇后十二字如故沈賢妃吳德妃皆武宗妃也賢妃父傳德妃父讓皆以妃貴授指揮僉事故事選后以二女陪選正德改元上大婚二妃陪后進慈聖太后即命封為妃越一月命禮官上冊妃議上乃具宸冕告大行皇帝几筵預命鴻臚寺官設立冊案綵輿教坊司設中和韶樂及大樂錦衣衛設鹵簿法駕上御華蓋殿皮弁陞座傳制執事官舉節冊

由殿左門出正副二使跪受制制曰正統元年九月初七日皇帝冊沈氏為賢妃吳氏為德妃卿等其持節行禮於是執事官舉冊置綵輿中蓋用黃鼓樂至右順門正使持節副使捧冊北向授內官內官贊之由正門入詣二妃所二妃禮服護以扇宮人隨者各擎執迎節冊入拜受之女官宣冊授二妃而以節授內官贊之出右順門授使使持復節命於是二妃謁奉先奉慈二殿几筵詣太皇太后皇太后兩宮行禮還內殿上皮弁皇后具禮服陞座女官導二妃詣前行禮禮畢還宮方是時二妃固姻禮當太后意而上甫親政盡宗廟之敬動合矩度一時宮中皆稱之原評曰帶叙法舊史於此處全不曉且帶議皆見筆既而賜后家及二妃家各給庄田若干頃時奸民投獻者咸謂近畿土地腴利饒當佃諸近畿而近畿之不便者多怨望至嘉靖改元奸民覘世宗意薄無復舊戚恩遂嘆之上訴而莊田盡除

王妃順天人能詩工筆札以才色為武帝所幸嘗侍上幸薊州溫泉命妃為詩妃手

自書之刻於石

附詩○塞外風霜凍異常水池何事暖如湯溶溶一派流今古不為人間洗冷腸

馬氏馬昂妹豹房供奉女也美而豔江彬白之上時已適畢指揮有娠稱馬氏為

非上令中使召迎之至豹房馬氏善騎射解于閑龜茲嗜樂能道番語遂絕幸封兄

昂右軍都督。馬氏一門無大小。皆賜蟒衣。內庭中官。皆呼昂為舅。賜第太平倉東。上嘗從數騎過飲其第。六科都給事中呂經等言。近聞聞。將官馬昂獻其有孕女弟。輒見狎愛。且親內降。已超授昂右軍都督。臣等惶懼。不知所為。夫以失身之婦。而寵奪宮闈。必其人之有異耳。夫天生尤物。亂人聽視。苟非德盛。鮮不及禍。況其身已失也。今昂及子弟。出入禁闥。楊釗之寵。重見今日。昔者王氏封侯。黃霧四塞。昂今拜官。異亦若是。恐失今不治。漸致難測。伏乞誅昂。并斥孕婦。以遠禍水。御史徐文華亦言。中人之家。尚耻再醮之婦。以萬乘之尊。而顧有是。誰為陛下進此者。罪可族也。竊料其榮惑聖聽。不過曰。是姪殊色多技能。而又宜子。陛下悅彼甘言。誤蒙寵納。已婚未婚。有身無身。皆所不計。萬一防杜疏濶。而不韋李園之徒。抵隙以進。所繫豈細故哉。且陛下降等威。削尊嚴。與昂兄弟子姪。媒服共坐。或共卧起。賞賚無章。倖臣皆降禮而莫敢抗。其權寵可知矣。馬姬專寵於內。昂等擅權於外。欲禍機不發得耶。俱不報。未幾六科都給事中石天柱等。又言。馬昂進納孕婦。臣等已疏論。迄今再旬。未蒙進止。豈陛下之意。將為其有身諱與。秦以呂易嬴。而嬴亡。晉以牛易馬。而馬滅。彼二君者。特不知而墮其計耳。今陛下知之。而復為之何也。萬或陛下急於宗嗣。踪跡曖昧。

真偽未明。言之咋舌。宜立賜裁決。盡絕覬望。御史程起充等。又言內寵為嬖。是謂女戎。外寵為幸。是謂男戎。妹喜伐夏。妲己伐商。褒姒伐周。此女戎也。莽卓伐漢。買趙伐晉。安史伐唐。此男戎也。夫兵戈之顯伐。易知。而中冓之伏機。難測。馬昂兄妹。寵擅後宮。子姪。賴無。雜處中禁。臣等昧死有言。未蒙聖斷。夫昂本驕淫暴橫。而濟之以奸。馬姬柔佞多能。而濟之以媚。是兼內外之戎於一家。積夏商周漢晉唐之患於一時也。復不報。後上幸昂第。酒酣。召昂妾。昂忤上旨。上怒起。昂懼。乃謝病歸。既後得劉美人。而馬氏寵衰。

劉美人亦稱劉夫人。太原民劉良之女。

世稱美人名良女非是

晉王府樂戶楊騰名下妓也。正

德十二年。上幸大同。駐蹕偏頭關。遍索女樂於太原。美人偕眾妓雜進。上遙見美人。悅其色。及聆謳大喜。遂從榆林還。再召之。載以歸。命為美人大。見寵幸。初居豹房。後漸入西內。專寢飲食起居。必與偕。言事輒聽。左右或觸上怒。陰求之。輒一笑而解。江彬諸近倖。雖甚貴倨。見必觸首。以母事之。呼之曰劉娘娘。後上將南征。陰移美人至潞河。約駕先發。而隨以他舟迎美人。美人脫一簪贈上行。且以為信。曰見簪而後赴。上藏簪衣間。過蘆溝。馳馬失簪。大索數日不獲去。及至臨清州。上遣中使召美人。美

人辭曰。不見。誓非信。不敢赴。上乃獨乘舸晝夜行。徬徨至張家灣。親迎美人。載而南。原評曰。此千載韻事。且出自實錄。而舊史以異詞諱之。殊不必然。當上發臨清時。倉卒。內外從官無知者。既而有數

人追及之。亦寡甚。民船爭榜見上。舟不能避。抵觸譏訶。湖廣參議杜文縝。衝上舟過。怒止之。入其舟。奪一妾行。及上至揚州。每以數騎獵揚州城西。止宿上方寺。後遂無厭。屢出獵。馳突不測。美人諫乃止。時又稱為夫人。自上方寺至南京。所臨寺觀。幡旌錦繡。梵貝夾冊。有為上所錫資者。悉署上與夫人劉氏名字其上。正德十六年。世宗入嗣。用南京給事王紀言。以為至尊別號。嫫嫫啟侮。不可示天下後世。自今南北。凡大行皇帝御駕所臨。驛置寺觀。有書威武將軍鎮國總督及夫人劉氏名者。悉令撤去。

浣衣王滿堂者。霸州民王智女也。以麗色。嘗與選嬪宮。既而罷歸。恥不肯適人。又時時感異夢。謂必有趙萬興者來聘。當許之。其人貴不可言。里中僧出入智家。知其夢。間以語人。道士段鉞。挾妖術聞之。遂潛易姓名。且賂僧。使僧先一日謂智家曰。爾家明日當有大貴人至。詰旦鉞至。問其姓名。曰。我趙萬興也。智家懽呼羅拜之。遂妻以滿堂。鉞乃出妖書。轉相煽亂。愚民既神其夢。及見書大信。從之者。日益眾。鉞畏事漏。

攜滿堂逃之磁陽。既而磁陽人亦信之。有嶧縣儒生潘依道。孫爵杖策至。陰受其術。時背人行主臣禮。於是銀遂偕號。改元大順。平定。往來牛蘭神仙二山間。久之。銀出行新城。民掩獲銀。并得其妖書。撫按以聞。詔釋愚民之從者。獨斬銀與依道。爵三人西市。乃特降中旨。令勿殺滿堂。沒入之。以官奴送浣衣局。既而召入侍豹房。大幸。世宗嗣位。復出浣衣局。人謂之王浣衣云。

勝朝彤史拾遺記卷五

清 蕭山毛奇齡大可著

世宗朝

興王妃蔣氏。世宗母也。其先徐州人。以尺籍隸京師。父効初授兵馬指揮使。

嘉靖間。追贈玉田伯。生妃。通詩書。嘗著女訓十二篇。弘治五年。冊為興王妃。生二子。

長岳王厚熙。次即世宗也。興王薨。妃居邸一年。世宗入繼大統。即位甫三日。即奉箋

詣藩邸迎妃。而令廷臣議推尊禮。廷臣舉大義。謂宜考孝宗。而稱興王為皇叔父。妃

為皇叔母。議三上不允。時妃已迎至通州。聞稱皇叔母。大悲曰。安得以我子謂他人

母乎。不肯入。上聞之。啟慈壽太后。願奉母歸藩。而進士張璁者。逆上意。謂宜考興王

而母太妃。上大喜。乃始迎妃來。將入宮。禮臣具儀注。謂當由崇文門進。東安門。皇帝

出東華門迎。而不許。再議自正陽門進。大明門。承天端門。午門之東。從王門入。又

不許。崇文門。京師東門也。正陽門者。正門也。御道在焉。王門。諸王所出入門也。上曰。

聖母當從御道入朝太廟。於是羣臣相顧爭謂王妃無謁廟禮。不聽。又謂當具諸王

妃儀仗。不聽。乃尊稱興獻太后。具太后車服儀仗。竟以太后從正陽門直入。謁奉先

殿。不廟見。頃之。加稱興獻皇太后。羣臣又力爭。謂稱皇非是。大學士楊廷和至辭位

去不聽。會清甯宮旁室災。論者謂議禮所致。乃姑稱興國太后。然非上意也。越三年

上尊號曰本生章聖皇太后。當是時。張璪桂萼等揣上意有在。益任情與羣臣辨。謂

上宜考興獻帝而母興獻后。去本生二字。乃成禮。上是之。遂以是年秋尊妃為聖母

章聖皇太后。去本生二字。原評曰此篇以逐節反覆為章法五年為興王作世廟成。奉妃入謁廟。大

學士石瑤等力爭之。不聽。七年加尊稱曰慈仁。九年頒所製女訓於天下。十五年四

郊廟享禮成。加尊稱曰慶靜貞壽。九月奉妃謁天壽山七陵。又謁恭讓章太后。及景

帝后陵。十六年奉妃幸金山。命諸臣進賀行殿。十七年九月奉妃居慈甯宮。十二月

癸卯崩。諭禮工二部曰。朕皇考獻皇帝陵遠在承天。升遐之日。尚以諸王禮葬。藩衛

淺薄。堂隧狹隘。比者展視山陵於成祖長陵之北。得支山曰大峪。林崗鬱行。實為吉

丘。欲起逆梓宮。遷祔於此。朕不敢專。卜告於皇祖。既得吉卜。二三勳輔近臣咸贊曰。

宜爾郡臣其擇期襄事。又諭曰。聖母升遐。山陵為重。分遣大臣祭告大峪山頂建顯

陵。於是以駙馬都尉京山侯崔元為奉迎行禮使。兵部尚書張瓚為禮儀護行使。太

監鮑忠為奉侍官。指揮趙俊為吉凶儀仗官。又賴太師翊國公郭勛知聖母山陵事。

上親幸大峪視之。忽諭曰。獻皇帝體魄藏顯陵者二十年。北遷遙遠。大不甯於朕心。

朕將奉慈宮南詣合葬。其議以聞。於是禮臣嚴嵩等議謂靈駕北來。慈宮南舉。共一舉也。而春秋享祀。遠近迴殊。如初議便。上曰。孰謂四海非王土歟。且孝陵何以尚在。南也。因止。崔元等毋行。第令趙俊往順天。啟視元宮。乃上太后尊諡曰。孝慈貞順仁敬誠一步天誕聖獻皇后。明年趙俊還。謂顯陵不吉。上乃議南巡。九卿大臣許賢等暨左都御史王廷相各疏諫不聽。已而侍郎呂柟給事中曾烜御史劉賢郎中岳倫皆相繼諫不聽。已而太學生陳良鼎上書諫不聽。良鼎下詔獄。上乃至承天作新宮。虛其一以待合葬。工竣歸過慶都。御史謝少南言慶都有堯母墓。佚於祀典。請祀之。上忽曰。帝堯母有墓。洵乎合葬非古也。即拜少南左春坊左司直兼翰林院檢討。更議聖母葬大峪山。四月。上躬謁長陵。忽召禮臣嚴嵩曰。大峪山何如。純德山耶。仍命崔元護梓宮南附。七月合葬顯陵。主祔睿宗廟。

陳皇后。元城人。少與諸女擲錢戲。錢四側。既長。紹聖張太后為世宗選婚。臺官言大名有佳氣。得后。迎入宮。嘉靖元年冊為后。授后父萬言都督同知。賜第西安門外。工部尚書趙璜言。西安門近宮。治萬言第。請毋過高廣。上怒。逮營繕郎中葉寬員外郎翟璘下獄。而封萬言泰和伯。給世券。既而萬言侵牟其縣民。縣令張好古執萬言家。